



Број/Број: 01/4-50-1-4-60/09

Сарајево/Sарајево, 30.12.2009. године

Z A P I S N I K

60. sjednice Komisije za finansije i budžet Predstavničkog doma Parlamentarne skupštine BiH održane 28.12.2009. godine, od 12 do 15 sati.

Sjednici Komisije prisustvovali su članovi: Sadik Bahtić, Lazar Prodanović, Velimir Jukić, Savo Erić, Adem Huskić, Bajazit Jašarević, Drago Kalabić i Salko Sokolović.

Sjednici nije prisustvovao Zlatko Lagumdžija, član Komisije.

Sjednici su također prisustvovali: poslanici Mirko Okolić, Remzija Kadrić, Mirjana Malić, Vinko Zorić, Momčilo Novaković i Slavko Jovičić, te Vlatko Dugandžić, pomoćnik ministra za budžet, Ranko Šakota, pomoćnik ministra za trezor, Hidajeta Novalić i Zakira Muratović iz Ministarstva finansija i trezora BiH, Naida Čaršimamović, savjetnik za budžet institucija BiH pri Projektu jačanja upravljanja javnim finansijama u BiH, Dževad Nekić, zamjenik generalnog revizora i Dragoljub Kojinčić iz Ureda za reviziju institucija BiH, Mehmed Agović, generalni direktor BHRT-a, Ljiljana Miličević, savjetnik za ekonomske odnose pri Uredu predsjedavajućeg Vijeća ministara BiH, Samir Mušović, konsultant PKF/DFID, Omer Čar, savjetnik za budžet pri Projektu jačanja upravljanja javnim finansijama, Christian Haupt, direktor i Nedim Hagić, pravni savjetnik pri projektu USAID PSP u BiH, Igor Bunić, savjetnik g. Živkovića, predsjedavajućeg Predstavničkog doma, Emira Češljarić, sekretar Komisije za vanjsku trgovinu i carine PD, Medina Delalić, viši stručni saradnik u Sektoru za odnose s javnošću, Alma Salkić-Mijić, viši stručni saradnik u Zakonodavnom pravnom sektoru PSBiH, te Željko Kosmajac, sekretar, i Muhameda Humačkić, stručni saradnik pri ovoj komisiji.

Od predstavnika medija sjednici su prisustvovali: Mustafa Karahmet-BH Radio1, Slaviša Starčević-BHT1, Almir Terzić-Oslobođenje, Aida Kovač-FENA i Aida Salčinović-TVFBiH.

Za sjednicu je predložen sljedeći

DNEVNI RED

1. Usvajanje zapisnika 58. i 59. sjednice Komisije;
2. Razmatranje Prijedloga zakona o Budžetu institucija BiH i međunarodnih obaveza BiH za 2010. godinu - druga komisijska faza (predlagač: Predsjedništvo BiH);
3. Razmatranje Prijedloga zakona o izmjenama i dopunama Zakona o zaduživanju, dugu i garancijama BiH - druga komisijska faza (predlagač: Vijeće ministara BiH);
4. Ponovno razmatranje Prijedloga zakona o dopuni Zakona o reviziji institucija BiH – prva komisijska faza (predlagač: poslanik Momčilo Novaković);
5. Razmatranje Prijedloga zakona o dopuni Zakona o sistemu indirektnog oporezivanja u BiH - prva komisijska faza (predlagač: Komisija za vanjsku trgovinu i carine Predstavničkog doma);

6. Razmatranje Izvještaja o izvršenju Budžeta institucija BiH i međunarodnih obaveza BiH za period I. –VI. 2009. godine (podnosilac: Predsjedništvo BiH);
7. Tekuća pitanja.

Predsjedavajući Komisije predložio je dopunu dnevnog reda sljedećom tačkom: Razmatranje Izvještaja o reviziji Javnog radiotelevizijskog servisa BiH za 2008. godinu (sačinilac: Ured za reviziju institucija BiH).

Jednoglasno je usvojen sljedeći dopunjeni dnevni red:

1. Usvajanje zapisnika 58. i 59. sjednice Komisije;
2. Razmatranje Prijedloga zakona o Budžetu institucija BiH i međunarodnih obaveza BiH za 2010. godinu - druga komisijska faza (predlagač: Predsjedništvo BiH);
3. Razmatranje Prijedloga zakona o izmjenama i dopunama Zakona o zaduživanju, dugu i garancijama BiH - druga komisijska faza (predlagač: Vijeće ministara BiH);
4. Ponovno razmatranje Prijedloga zakona o dopuni Zakona o reviziji institucija BiH – prva komisijska faza (predlagač: poslanik Momčilo Novaković);
5. Razmatranje Prijedloga zakona o dopuni Zakona o sistemu indirektnog oporezivanja u BiH - prva komisijska faza (predlagač: Komisija za vanjsku trgovinu i carine Predstavničkog doma);
6. Razmatranje Izvještaja o izvršenju Budžeta institucija BiH i međunarodnih obaveza BiH za period I. –VI. 2009. godine (podnosilac: Predsjedništvo BiH);
7. Razmatranje Izvještaja o reviziji Javnog radiotelevizijskog servisa BiH za 2008. godinu (sačinilac: Ured za reviziju institucija BiH);
8. Tekuća pitanja.

Ad.1. Usvajanje zapisnika 58. i 59. sjednice Komisije

Zapisnici 58. i 59. sjednice jednoglasno su usvojeni, bez primjedbi.

Ad.2. Razmatranje Prijedloga zakona o Budžetu institucija BiH i međunarodnih obaveza BiH za 2010. godinu - druga komisijska faza (predlagač: Predsjedništvo BiH)

Predsjedavajući Komisije naveo je da se Prijedlog zakona razmatra u skladu s čl.110. i 128. Poslovnika Doma, te da je na Prijedlog zakona uloženo 57 amandmana, i to:

Mirko Okolić (2 amandmana), Vinko Zorić (1 amandman), Momčilo Novaković (3 amandmana), Savo Erić (1 amandman), Adem Huskić (2 amandmana), Sefer Halilović (1 amandman), Remzija Kadrić (3 amandmana od 25.1.2.2009. i 28.12.2009.), Husein Nanić (2 amandmana), Sadik Bahtić (15 amandmana), te Klub poslanika SDP-a (22 amandmana), Klub poslanika HDZ-a (4 amandmana) i Klub poslanika SNSD-a (1 amandman).

Amandmane su obrazložili sljedeći poslanici: Mirko Okolić, Momčilo Novaković, Vinko Zorić, Savo Erić, Adem Huskić, Remzija Kadrić, Mirjana Malić, Velimir Jukić i Drago Kalabić, a potom je Vlatko Dugandžić, pomoćnik ministra za budžet, iznio stav resornog ministarstva o podnesenim amandmanima.

Zatim je uslijedila desetominutna pauza, a rasprava i izjašnjavanje o amandmanima i Prijedlogu zakona obavljeno je poslije sedme tačke dnevnog reda.

U raspravi su učestvovali svi prisutni poslanici, te Vlatko Dugandžić, Ranko Šakota, pomoćnik ministra za trezor, i Samir Mušović, konsultant PKF/DFID.

Nakon rasprave uslijedilo je izjašnjavanje Komisije o svakom podnesenom amandmanu, kako slijedi:

Usvojeni amandmani na Prijedlog zakona:

- Amandmani I.-XV. poslanika Sadika Bahtića sa šest glasova „za“ i jednim „suzdržanim“ glasom usvojeni su i glase:

Amandman I.

U članu 3. Prijedloga zakona, u pojedinačnoj tabeli 3. „Ministarstvo odbrane BiH“, mijenjaju se sljedeći iznosi:

- stavka „izdaci za usluge prijevoza i goriva“ smanjuje se za iznos od 712.000 KM, tako da se predloženi iznos od „14.477.000“ mijenja i sada glasi „13.765.000“;
- stavka „ugovorene i druge usluge“ smanjuje se za iznos od 83.000 KM, tako da se predloženi iznos od „5.004.000“ mijenja i sada glasi „4.921.000“;
- stavka „nabavka opreme“ smanjuje se za iznos od 33.000 KM, tako da se predloženi iznos od „4.218.000“ mijenja i sada glasi „4.185.000“.

Ovim izmjenama ukupan zbirni budžet Ministarstva odbrane BiH smanjuje se za 828.000, tako da se predloženi iznos od „335.404.000“ mijenja i sada glasi „334.576.000“.

Amandman II.

U članu 3. Prijedloga zakona, u pojedinačnoj tabeli 9. „Institucija ombudsmena za ljudska prava BiH“, mijenjaju se sljedeći iznosi:

- stavka „izdaci za usluge prijevoza i goriva“ smanjuje se za iznos od 3.000 KM, tako da se predloženi iznos od „36.000“ mijenja i sada glasi „33.000“;
- stavka „ugovorene i druge usluge“ smanjuje se za iznos od 1.000 KM, tako da se predloženi iznos od „88.000“ mijenja i sada glasi „87.000“;

Ovim izmjenama ukupan zbirni budžet Institucije ombudsmena za ljudska prava BiH smanjuje se za 4.000, tako da se predloženi iznos od „2.725.000“ mijenja i sada glasi „2.721.000“.

Amandman III.

U članu 3. Prijedloga zakona, u pojedinačnoj tabeli 12. „Ministarstvo vanjskih poslova BiH“ mijenjaju se sljedeći iznosi:

- stavka „ugovorene i druge usluge“ smanjuje se za iznos od 104.000 KM, tako da se predloženi iznos od „3.838.000“ mijenja i sada glasi „3.734.000“;

Ovim izmjenama ukupan zbirni budžet Ministarstva vanjskih poslova BiH smanjuje se za 104.000, tako da se predloženi iznos od „60.472.000“ mijenja i sada glasi „60.368.000“.

Amandman IV.

U članu 3. Prijedloga zakona, u pojedinačnoj tabeli 14. „Agencija za promociju stranih investicija u BiH“, mijenjaju se sljedeći iznosi:

- stavka „izdaci za usluge prijevoza i goriva“ smanjuje se za iznos od 2.000 KM, tako da se predloženi iznos od „18.000“ mijenja i sada glasi „16.000“;
- stavka „ugovorene i druge usluge“ smanjuje se za iznos od 1.000 KM, tako da se predloženi iznos od „173.000“ mijenja i sada glasi „172.000“;
- stavka „nabavka opreme“ smanjuje se za iznos od 2.000 KM, tako da se predloženi iznos od „40.000“ mijenja i sada glasi „38.000“.

Ovim izmjenama ukupan zbirni budžet Agencije za promociju stranih investicija u BiH smanjuje se za 5.000, tako da se predloženi iznos od „3.827.000“ mijenja i sada glasi „3.822.000“.

Amandman V.

U članu 3. Prijedloga zakona, u pojedinačnoj tabeli 15. „Ured za veterinarstvo BiH“ mijenjaju se sljedeći iznosi:

- stavka „izdaci za usluge prijevoza i goriva“ smanjuje se za iznos od 6.000 KM, tako da se predloženi iznos od „77.000“ mijenja i sada glasi „71.000“;
- stavka „ugovorene i druge usluge“ smanjuje se za iznos od 4.000 KM, tako da se predloženi iznos od „746.000“ mijenja i sada glasi „742.000“;
- stavka „nabavka opreme“ smanjuje se za iznos od 5.000 KM, tako da se predloženi iznos od „450.000“ mijenja i sada glasi „445.000“.

Ovim izmjenama ukupan zbirni budžet Ureda za veterinarstvo BiH smanjuje se za 15.000, tako da se predloženi iznos od „5.352.000“ mijenja i sada glasi „5.337.000“.

Amandman VI.

U članu 3. Prijedloga zakona, u pojedinačnoj tabeli 19. „Direkcija za civilno zrakoplovstvo BiH“ mijenjaju se sljedeći iznosi:

- stavka „nabavka opreme“ smanjuje se za iznos od 35.000 KM, tako da se predloženi iznos od „570.000“ mijenja i sada glasi „535.000“.

Ovim izmjenama ukupan zbirni budžet Direkcije za civilno zrakoplovstvo BiH smanjuje se za 35.000, tako da se predloženi iznos od „6.825.000“ mijenja i sada glasi „6.790.000“.

Amandman VII.

U članu 3. Prijedloga zakona, u pojedinačnoj tabeli 21. „Ministarstvo finansija i trezora BiH“ mijenjaju se sljedeći iznosi:

- stavka „izdaci za usluge prijevoza i goriva“ smanjuje se za iznos od 4.000 KM, tako da se predloženi iznos od „51.000“ mijenja i sada glasi „47.000“;
- stavka „ugovorene i druge usluge“ smanjuje se za iznos od 9.000 KM, tako da se predloženi iznos od „453.000“ mijenja i sada glasi „444.000“;

Ovim izmjenama ukupan zbirni budžet Ministarstva finansija i trezora BiH smanjuje se za 13.000, tako da se predloženi iznos od „8.348.000“ mijenja i sada glasi „8.335.000“.

Amandman VIII.

U članu 3. Prijedloga zakona, u pojedinačnoj tabeli 23. „Ministarstvo za ljudska prava i izbjeglice BiH“ mijenjaju se sljedeći iznosi:

- stavka „izdaci za usluge prijevoza i goriva“ smanjuje se za iznos od 12.000 KM, tako da se predloženi iznos od „133.000“ mijenja i sada glasi „121.000“;
- stavka „ugovorene i druge usluge“ smanjuje se za iznos od 8.000 KM, tako da se predloženi iznos od „904.000“ mijenja i sada glasi „896.000“;
- stavka „nabavka opreme“ smanjuje se za iznos od 7.000 KM, tako da se predloženi iznos od „135.000“ mijenja i sada glasi „128.000“.

Ovim izmjenama ukupan zbirni budžet Ministarstva za ljudska prava i izbjeglice BiH smanjuje se za 27.000, tako da se predloženi iznos od „12.754.000“ mijenja i sada glasi „12.727.000“.

Amandman IX.

U članu 3. Prijedloga zakona, u pojedinačnoj tabeli 26. „Ministarstvo sigurnosti BiH“ mijenjaju se sljedeći iznosi:

-stavka „izdaci za usluge prijevoza i goriva“ smanjuje se za iznos od 9.000 KM, tako da se predloženi iznos od „101.000“ mijenja i sada glasi „92.000“;

Ovim izmjenama ukupan zbirni budžet Ministarstva sigurnosti BiH smanjuje se za 9.000, tako da se predloženi iznos od „11.672.000“ mijenja i sada glasi „11.663.000“.

Amandman X.

U članu. 3. Prijedloga zakona, u pojedinačnoj tabeli 27. „Državna agencija za istrage i zaštitu“, mijenjaju se sljedeći iznosi:

-stavka „izdaci za usluge prijevoza i goriva“ smanjuje se za iznos od 62.000 KM, tako da se predloženi iznos od „733.000“ mijenja i sada glasi „671.000“;

-stavka „ugovorene i druge usluge“ smanjuje se za iznos od 5.000 KM, tako da se predloženi iznos od „1.016.000“ mijenja i sada glasi „1.011.000“;

Ovim izmjenama ukupan zbirni budžet Državne agencija za istrage i zaštitu smanjuje se za 67.000, tako da se predloženi iznos od „60.075.000“ mijenja i sada glasi „60.008.000“.

Amandman XI.

U članu 3. Prijedloga zakona, u pojedinačnoj tabeli 44. „Uprava Bosne i Hercegovine za zaštitu zdravlja bilja“ mijenjaju se sljedeći iznosi:

-stavka „izdaci za usluge prijevoza i goriva“ smanjuje se za iznos od 2.000 KM, tako da se predloženi iznos od „27.000“ mijenja i sada glasi „25.000“;

-stavka „ugovorene i druge usluge“ smanjuje se za iznos od 2.000 KM, tako da se predloženi iznos od „106.000“ mijenja i sada glasi „104.000“;

Ovim izmjenama ukupan zbirni budžet Uprave Bosne i Hercegovine za zaštitu zdravlja bilja smanjuje se za 4.000, tako da se predloženi iznos od „1.315.000“ mijenja i sada glasi „1.311.000“.

Amandman XII.

U članu 3. Prijedloga zakona, u pojedinačnoj tabeli 46. „Agencija za sigurnost hrane Bosne i Hercegovine“ mijenjaju se sljedeći iznosi:

-stavka „ugovorene i druge usluge“ smanjuje se za iznos od 2.000 KM, tako da se predloženi iznos od „657.000“ mijenja i sada glasi „655.000“;

Ovim izmjenama ukupan zbirni budžet Agencije za sigurnost hrane Bosne i Hercegovine smanjuje se za 2.000, tako da se predloženi iznos od „2.921.000“ mijenja i sada glasi „2.919.000“.

Amandman XIII.

U članu 3. Prijedloga zakona, u pojedinačnoj tabeli 50. „Služba za poslove sa strancima Bosne i Hercegovine“ mijenjaju se sljedeći iznosi:

-stavka „izdaci za usluge prijevoza i goriva“ smanjuje se za iznos od 14.000 KM, tako da se predloženi iznos od „154.000“ mijenja i sada glasi „140.000“;

Ovim izmjenama ukupan zbirni budžet Službe za poslove sa strancima Bosne i Hercegovine smanjuje se za 14.000, tako da se predloženi iznos od „8.787.000“ mijenja i sada glasi „8.773.000“.

Amandman XIV.

U članu 3. Prijedloga zakona, u pojedinačnoj tabeli 52. „Komisija za koncesije Bosne i Hercegovine“ mijenjaju se sljedeći iznosi:

-stavka „izdaci za usluge prijevoza i goriva“ smanjuje se za iznos od 1.000 KM, tako da se predloženi iznos od „15.000“ mijenja i sada glasi „14.000“;

-stavka „ugovorene i druge usluge“ smanjuje se za iznos od 2.000 KM, tako da se predloženi iznos od „46.000“ mijenja i sada glasi „44.000“;

Ovim izmjenama ukupan zbirni budžet Komisije za koncesije Bosne i Hercegovine smanjuje se za 3.000, tako da se predloženi iznos od „1.208.000“ mijenja i sada glasi „1.205.000“.

Amandman XV.

U članu 3. Prijedloga zakona, u Tabeli 3. „Raspored rashoda po budžetskim korisnicima“, u dijelu „99992 Rezerviranja“, tačka 2. „Rezerviranja za kapitalna ulaganja“ povećava se za 1.130.000 KM, tako da se predloženi iznos od „10.000.000“ mijenja i sada glasi „11.130.000“.

U skladu s amandmanima od I. do XV. mijenjaju se iznosi u svim zbirnim i pojedinačnim tabelama u Prijedlogu budžeta institucija BiH i međunarodnih obaveza BiH za 2010. godinu.

- Amandman I. Kluba poslanika SNSD-a, u modificiranom obliku je, sa pet glasova „za“ i dva „suzdržana“ glasa, usvojen i glasi:

Amandman I.

U članu 3. Prijedloga zakona, u Tabeli 3. „Raspored rashoda po budžetskim korisnicima“, u dijelu „99992 Rezerviranja“, tačka 1. „Tekuća rezerva“ smanjuje se za 500.000 KM, tako da se predloženi iznos od „4.650.000“ mijenja i sada glasi „4.150.000“.

U istom članu 3. Prijedloga zakona, u pojedinačnoj tabeli 1. „Parlamentarna skupština Bosne i Hercegovine“ mijenjaju se sljedeći iznosi:

-stavka „ugovorene i druge usluge“ povećava se za iznos od 500.000 KM, tako da se predloženi iznos od „1.575.000“ mijenja i sada glasi „2.075.000“;

Ovim izmjenama ukupan zbirni budžet Parlamentarne skupštine Bosne i Hercegovine povećava se za 500.000, tako da se predloženi iznos od „16.174.000“ mijenja i sada glasi „16.674.000“.

U skladu sa usvojenim amandmanom, mijenjaju se iznosi u svim zbirnim i pojedinačnim tabelama u Prijedlogu budžeta institucija BiH i međunarodnih obaveza BiH za 2010. godinu.

Neusvojeni amandmani na Prijedlog zakona:

-Amandman I. poslanika Mirka Okolića, s jednim glasom „za“ i šest glasova „protiv“, nije usvojen

- Amandman II. poslanika Mirka Okolića, s tri glasa „za“ i četiri glasa „protiv“, nije usvojen.

- Amandmani I. i II. poslanika Momčila Novakovića, s dva glasa „za“ i pet glasova „protiv“, nisu usvojeni.

- Amandman III. poslanika Momčila Novakovića, s jednim glasom „za“ i šest glasova „protiv“, nije usvojen.

- Amandmane I. i II. poslanik Adem Huskić je povukao.

- Amandmani I. i II. poslanika Huseina Nanića, s pet glasova „protiv“ i dva „suzdržana“ glasa, nisu usvojeni.

- Amandman I. poslanika Sefera Halilovića, s jednim glasom „za“ i šest glasova „protiv“, nije usvojen.

- Amandman I. poslanika Save Erića, s tri glasa „za“, jednim „suzdržanim“ glasom i četiri glasa „protiv“, nije usvojen.

- Amandman I. poslanika Remzije Kadrića, od 25.12.2009., i amandmani I. i II. istog podnosioca, od 28.12.2009., s dva glasa “za” i šest glasova “protiv”, nisu usvojeni.
- Amandman I. poslanika Vinka Zorića, s dva “suzdržana” glasa i pet glasova “protiv”, nije usvojen.
- Amandmani I.-XXII. Kluba poslanika SDP-a jednoglasno su odbijeni (osam glasova “protiv”).
- Amandmani I.-IV. Kluba poslanika HDZ-a, s jednim glasom “za”, šest glasova “protiv” i jednim “suzdržanim” glasom, nisu usvojeni.

Nakon izjašnjavanja o amandmanima, Komisija je jednoglasno prihvatila tekst Prijedloga zakona o Budžetu institucija BiH i međunarodnih obaveza BiH za 2010. godinu, zajedno sa usvojenim amandmanima, te Predstavničkom domu Parlamentarne skupštine BiH predložila njegovo usvajanje.

Ad.3. Razmatranje Prijedloga zakona o izmjenama i dopunama Zakona o zaduživanju, dugu i garancijama BiH - druga komisijska faza (predlagač: Vijeće ministara BiH)

Predsjedavajući Komisije naglasio je da se Prijedlog zakona razmatra u skladu s članom 110. Poslovnika Doma u skraćenom postupku, da je amandmanski rok zaključen s danom 21.12.2009., te da, u skladu s čl. 109. stav (1) i 126. stav (3) Poslovnika, u amandmanskom roku nije uložen nijedan amandman. Zatim je otvorio raspravu o Prijedlogu zakona u drugoj komisijskoj fazi.

U raspravi niko od prisutnih nije učestvovao.

Potom je Komisija jednoglasno prihvatila Prijedlog zakona o izmjenama i dopunama Zakona o zaduživanju, dugu i garancijama BiH u drugoj komisijskoj fazi, te ga uputila u daljnju zakonodavnu proceduru.

Ad.4. Ponovno razmatranje Prijedloga zakona o dopuni Zakona o reviziji institucija BiH – prva komisijska faza (predlagač: poslanik Momčilo Novaković)

Predsjedavajući Komisije naglasio je da se ovaj prijedlog zakona ponovo razmatra u skladu s članom 104. u osnovnom zakonodavnom postupku jer Predstavnički dom na 63. sjednici, održanoj 4.11.2009., nije prihvatio negativno mišljenje Komisije o ovom prijedlogu zakona, te ga je vratio ovoj komisiji radi ponovnog razmatranja i dostavljanja Domu novog mišljenja. Također, Dom je, zaključcima sa iste sjednice, od Ureda za reviziju institucija BiH zatražio dostavljanje prijedloga rješenja u pravcu jačanja instituta odgovornosti za propuste u finansijskom poslovanju, koje je Ured za reviziju institucija BiH, 23. 12. 2009., dostavio Parlamentarnoj skupštini BiH.

Zatim je predsjedavajući Komisije ponovo otvorio raspravu o principima Prijedloga zakona i neophodnosti njegovog donošenja.

U raspravi su učestvovali članovi Komisije Sadik Bahtić i Bajazit Jašarević, te Dževad Nekić, zamjenik generalnog revizora iz Ureda za reviziju institucija BiH.

Nakon rasprave, Komisija, ponovo s jednim glasom „za“ i šest glasova „protiv“, nije prihvatila principe Prijedloga zakona, te je predložila Domu da ih ne usvoji iz sljedećih razloga:

Komisija podržava mišljenje Ureda za reviziju institucija BiH o Prijedlogu zakona i smatra da predložene dopune Zakona o reviziji institucija BiH nisu moguće budući da su revizorska mišljenja isključivo definirana i utvrđena revizorskim standardima, te da kao takva nisu materija koju regulira Zakon o reviziji institucija BiH. Revizorske standarde usvaja isključivo Kongres Međunarodne organizacije vrhovnih revizorskih institucija- INTOSAI.

Ad.5. Razmatranje Prijedloga zakona o dopuni Zakona o sistemu indirektnog oporezivanja u BiH - prva komisijska faza (predlagač: Komisija za vanjsku trgovinu i carine Predstavničkog doma)

Predsjedavajući Komisije podsjetio je da je Komisija na 58. sjednici zaključkom odgodila razmatranje ovog prijedloga zakona u prvoj komisijskoj fazi do dostavljanja mišljenja UOUIO na Prijedlog zakona, a od Kolegija Predstavničkog doma zatražila produženje roka za dostavljanje mišljenja Komisije u skladu s članom 104. Poslovnika Predstavničkog doma. Izvijestio je da je Kolegij Predstavničkog doma obavijestio Komisiju da je uvažio njen zahtjev, te odobrio produženje roka za dostavljanje mišljenja do 29. 12. 2009., a da je Upravni odbor Uprave za indirektno oporezivanje BiH, 28. 12. 2009., dostavio Komisiji svoje mišljenje o Prijedlogu zakona.

Nakon što je Slavko Jovičić, u ime predlagača, obrazložio Prijedlog zakona, predsjedavajući je otvorio raspravu o principima Prijedloga zakona i neophodnosti njegovog donošenja.

U raspravi su učestvovali članovi: Bajazit Jašarević, Velimir Jukić i Lazar Prodanović, te Slavko Jovičić, predsjedavajući Komisije za vanjsku trgovinu i carine Predstavničkog doma Parlamentarne skupštine BiH, u ime predlagača.

Nakon rasprave, Komisija, s četiri glasa “protiv” i tri “suzdržana” glasa, nije prihvatila principe Prijedloga zakona, te je predložila Predstavničkom domu da ih ne prihvati iz sljedećih razloga:

Komisija je prihvatila stav Upravnog odbora Uprave za indirektno oporezivanja BiH kojim se ne podržava inicijativa Komisije za vanjsku trgovinu i carine Predstavničkog doma Parlamentarne skupštine BiH za donošenje Zakona o dopuni Zakona o sistemu indirektnog oporezivanja u BiH, jer se predloženim dopunama direktno zadire u ovlaštenja UOUIOBiH koja su precizirana tačkom 4. Sporazuma o nadležnostima u oblasti indirektnog oporezivanja, te Zakonom o sistemu indirektnog oporezivanja u BiH.

Ad.6. Razmatranje Izvještaja o izvršenju Budžeta institucija BiH i međunarodnih obaveza BiH za period I –VI 2009. godine (podnosilac: Predsjedništvo BiH)

Kako nije bilo rasprave o ovoj tački dnevnog reda, predsjedavajući Komisije konstatirao je da je Komisija Izvještaj o izvršenju Budžeta institucija BiH i međunarodnih obaveza BiH za period I. –VI. 2009. godine primila k znanju.

Ad.7. Razmatranje Izvještaja o reviziji Javnog radiotelevizijskog servisa BiH za 2008. godinu (sačinilac: Ured za reviziju institucija BiH)

Nakon što su Dževad Nekić, zamjenik generalnog revizora, i Dragoljub Kojinčić iz Ureda za reviziju, te Mehmed Agović, generalni direktor BHRT-a dali kratko obrazloženje Izvještaja o reviziji Javnog radiotelevizijskog servisa BiH za 2008. godinu, predsjedavajući Komisije otvorio je raspravu o ovoj tački dnevnog reda.

U raspravi su učestvovali: Sadik Bahtić, Lazar Prodanović, Velimir Jukić, Bajazit Jašarević i Drago Kalabić, te Mehmed Agović i Dragoljub Kojinčić.

Rasprava je prekinuta na zahtjev poslanika Drage Kalabića, koji je insistirao na prisustvu članova Upravnog odbora BHRT-a ovoj sjednici.

Kako članovi UOBHRT-a nisu bili prisutni, pravdajući to neurednim pozivanjem, iako postoji dokaz o urednom pozivanju, Komisija je jednoglasno odgodila daljnju raspravu o ovoj tački dok se ne osigura prisustvo predstavnika i Upravnog odbora i menadžmenta BHRT-a.

Ad.8. Tekuća pitanja

U okviru ove tačke dnevnog reda nije bilo rasprave.

Sekretar Komisije

Željko Kosmajac

Predsjedavajući Komisije

mr. ecc.sc. Sadik Bahtić